



Small horizontal line or mark at the top right edge.

Small horizontal line or mark on the right edge.

Small horizontal line or mark on the right edge.

Small horizontal line or mark at the bottom right edge.

上湖紀歲詩編卷第四

錢塘 汪師韓

戊寅 五十二歲

北遊舟次寄答友人贈行之作

銅街三載返藥市一厘修余所居乃宋時藥市始澣塵埃服重登雨雪舟江花當

路發湖水出關流安得如萋楚無知百不憂

霖雨無其極河流有底忙初程依埃堡高節負耕桑驅我饑何物懷

人醉是鄉同人連日飲餞贈箋和故籍去處一衣囊

舟夜

天光波隱映夜氣樹迷濛倦旅酒初醒晴空月正中思家看北斗吹

艇信南風織作知寒舍篝燈不寐同

柳邊

莽莽平原浩浩波驚沙隄上逐風多柳邊欲覓流鶯問那不邀春共



渡河

東阿項王墓

舊碣表重瞳行人拜草中山園君子國林起大王風地盡秦焦土天  
亡楚魯公高歌垓下操聊當哭英雄垓下歌樂府  
日力拔山操

至京師下榻舊居

饋鬻生涯藥石身仙都重到謫仙人敝裘裹撲黃埃澁老屋門遮碧  
草新莫問楊朱何泣路相逢叔向漫憂貧依然槐下攤書地情話深  
宵對所親

出門惘惘是蓬蒿入座蕭蕭見二毛秋葦折餘空顧影春蠶絲在一

援毫東華舊第辭棲燕陳海寧汪休寧  
皆有賜第東城西塞新疆疏貢葵哀樂併來生百

感非關旅雜笑號咷書西旅底貢厥葵  
馬鄭舊解為酉豪

柳絮

沾袂繚裊自矜妍未化為萍絕可憐太息春風竟何意團揉無處不

成縣

保定蓮花池懷古

橫翠樓西舊館尋兵戎餘興鑿池深預除宋患從攻宋曾仕金源竟

背金九代政編先野史再傳封爵盡和林浩歌五百年間事坐起藤

陰立柳陰池為都元帥張柔自滿城移鎮保州時所鑿其時元尚未改國號乃太祖稱成吉思可  
汗之二十二年即宋理宗寶慶三年金哀宗正大四年也元史憲宗五年張柔鎮毫

州以百丈口為宋往來之道可容萬艘遂築甬道自毫而南六十餘里中為橫江堡又以路東六十里  
皆水立柵水中由是鹿邑寧陵考柘楚邱南頓無宋患八年帝自將伐宋由西蜀入命張柔從忽必烈

征鄂趨杭州柔子宏範封  
淮陽王宏範子珪封蔡國公

初至廣平清暉書院

南來溫淦護封畿藝圃城東近北扉十里波平花是海繞城荷  
花十里兩隄陰

合柳成圍地因君子開新館萬歷間建荷花館康熙  
丙申改建荷花書院天與騷人集舊衣何事

蘭臺紀任筆清暉之名郡守  
任公宏業所改別從謝客賦含暉

藉農曾築省耕堂康熙甲寅永年今朱  
世緯建省耕堂入廢臺榭頻經旱潦傷喬木畫圖何似昔

水花標格總勝常百城書擁關前數一曲湖分比故鄉舊有露臺臺上石坊  
湖曰盤湖烟月明太

守劉芳譽建今廢莫上漪樓感陳跡禪棲今亦改丹房漪樓亦劉芳譽所建有漪樓記石刻崇禎間改真武閣今僧居之今以屬

道開來啟戶即清遊一畝宮臨水四周葦岸蛙鳴知孰為釣磯鷺立笑

何求亭西露臺下有漁磯今廢相要酒有王宏送便擬家同范晷留可是參柴風宛在

杖藜編柳盡良謀

久拋鉛槧復胸懷輯禡殘書掃風埃強記力衰如葉落微吟技癢值  
花開曾和采苦尋山去畧似依蓮汎水來應愧里居孫仲或追從大

澤盛英才

題夏承碑拓本碑在城內紫山書院即舊漳川書院

漢碑在世歷可數上聲上溯孔林下曹全中間多由宋代出夏承亦自

元祐傳秦君愛古昧所出沿訛信是中郎筆察書本不命郭香諱名

豈至疑楊厥一經扶植三改元何人令役埋坵垣築之登登復奕奕

貞珉無路鳴煩冤嘉靖重摹縱非古猶勝偽造山及簞那不并將題

額刊移字排行意何取我嘗臨傲徒隸書顛崖荒隴搜瑤喻奚況漳

川與前俗東京仿像留形模看碑復用烏金搦張壁晨昏對齋閣却

憶建寧當三年碑是建寧三年所立其年中郎辟橋位出長河平旋復入弇州因

是為推原骨氣精彩昔猶見又數百載迹盡遷太尉三碑一無有豈

獨漫滅文範阡崇墉或者石還在特愁拊擊成斷塊昔應無暇磨龕

砂翻藉糊頰保殘碎他時城旦遇刻文急遣鐵灌聯瓜分真蹟片段

亦至寶詩成大笑書癡云明郡守秦民悅見此碑於府治後堂作愛古軒覆之有跋云碑所從來不暇考論蓋未見趙明誠金石錄耳秦民悅扶立於

成化十五年至嘉靖二十二年因築城之役毀於工匠郡守唐曜取搨本重刻相距六十餘年舊有篆額漢北海淳于長夏君碑九黑字今篆額只淳于長夏承碑六白字舊碑十四行每行二十七字今本十二行每行三十字漢書地理志淳于在北海郡屬青州又漢縣有令長之分今新縣志誤以淳于長為撰文人姓名謬妄如此延熹西嶽峯山廟碑有書佐郭香察書蓋察者察視也歐陽叔弼誤以香察二字為人名隸釋有辨建和司隸校尉楊君頌云楊君厥字孟文蓋尊其人故不稱名而但稱字也水經注及歐趙兩錄皆誤稱楊厥碑唐文粹顧况樂府有築城登築城奕奕兩章為寺人

以墓磚築城而作蔡中郎郭有道碑傳山鄭蓋俱有偽造本建寧三年中郎由橋司徒府出長河平入為郎中見後漢書顏魯公宋廣平碑在今沙河縣東北碑已斷沒正德十二年大末方思道為

令出之土中鎔二百斤鐵貫而續之歸震川有跋

廣平三君詠即用各集中詩韻

永年申鳧盟

用聰山集中七言物體韻 先生諱涵光太僕端愍公佳允之子 申後絕意仕進以諸生終兩辭薦辟有其弟姪輩編次年譜甚

詳其稱詩河朔漁洋 懷人詩以詞傑稱之

河朔詩派導詞傑朋松友石西山時乘權不如飲酒樂嚮道寧可行

路遲晚從孫徵君遊嘗論朱陸謂朱由 大路遲而穩陸由便遲捷而危濛濛霧隱溪上屋茅屋詩溪上新成屋數間颯颯風薄

城南祠端愍祠 在城南所恨生晚莫就正空難白蒿尋紫芝年譜云先生年三十二讀 鮑謝詩謂謝繁縟襲積不

逮明遠遠甚余向不好康樂詩有 說在詩學齋簡稿喜先得我心

永年張覆輿

用張子詩選中昭明臺五律韻 先生諱蓋申後當貢太學不 受遂棄諸生已發狂疾所居東橋築土室自封惟歲時一出拜母

母沒出成服復入室凡八年卒其不就太學乃申後事而志乘皆稱是崇禎時者非 也朱葵尊作墓誌謂惟申殿至延入土室談甚洽余近見遲山堂遺文瑣鈔謂張處士 土室自封者七年余贈以詩蓋未見也然則申殿亦不得入其室

矣 先生有子侗能詩今訪其後人惟有一應童子試者而已

拜母袁閔孝持身郭瑀清佯狂非故國長嘯此先生傳去聲可參真隱

居休號太平微茫廣陵散如綫若為情晉書隱逸傳阮籍聞孫登嘯因作文人先 生論按登亦居士室與袁閔郭瑀同 南

史何尚之傳袁淑錄古來隱士有迹無名者為真隱傳 南齊高逸傳褚伯玉於剡 縣白石山立太平館以居之 北齊徐之才一子俱無學術嘆云恐終同廣陵散矣

雞澤殷伯巖

用留耕草堂集中讀史第二十四首五古韻 先生諱岳陝西副 使大白之子副使以忤時相死於詔獄及京城陷岳與弟淵舉義

兵淵以先發為賊所害岳於順治初避匿寧知縣歸隱之 官申鳧明奇書指之即解組復騎驢歸性好遊死於閩

結竿喪罷虎投簪蝥龍蛇中一落塵網促歸赴瑤華衣冠挂縣門草

帽驢背斜息交不絕遊時出命中車落然喻鳧堂北望三嘆嗟申鳧盟 築堂曰

遲山雖取遙傳杜陵更怪我還山遲之語而實以殷號宗山待其來也則遲常 讀去聲宗山亦顏其堂曰喻鳧謂惟鳧盟喻其意也按喻鳧乃唐詩人姓名

毛遂墓

按劍兩言決持盤一手招三年無士誦十步失君驕上客迹仍晦孤

墳經幾朝翩翩和碌碌豪舉總蕭條毛遂曰公等碌碌太史公曰平 原君翩翩濁世之佳公子也

李學士墓并序

府縣志冢墓俱稱宋敷文閣直學士李椿墓在永年城西者非也公

墓志乃朱文公所撰欽宗靖康元年金人陷京師公之祖泰父升皆

遇難公時年十六奉母南走湖嶺間洛州地已屬金矣公仕五十年

由潭州衡山尉歷桂陽衡州荆湖南路以至轉運副使不離湖南地

是以有故居在衡陽野塘之上後公以敷文閣直學士致仕仍歸野

塘其薨也葬衡山花光寺之山後二里葬後十年而朱子始爲之銘  
又後四十一年而金亡洛州屬於元又四十五年而宋亡天下一統  
距公之葬九十六年矣爲其雲仍者亦何忍開百年之墓跋涉四千  
里之程而歸葬永年哉此墓別有詳考在清暉小志

學士邁厄運喪家失完都兩世卽藁殯奉母南渡湖踰冠乃從政旣  
壯更讀書義皇闡易象進退恒裕如有壘依野塘一再懸安車埋骨  
赤嶽址昭銘出真儒湘干我曾遊恨未訪故墟垂老旅曲梁頽然見  
黃墟南北昔未通式微焉歸歟誰改百年壠遠登彌月塗倘以賢豪  
間慕思勞里閭鄉莫招羈魂衣冠此藏諸抑或其先塋早歲拱桑榆  
策贈視所後寵秩稱靡殊幽扃土一坵晞古欽哲模再拜補宿恨多  
言毋亦愚

清河蝗

斯蝨艱難風蝨斯太和氣曷爲田穉害乘昇快焚熯心葉梗節花螟

蠖蝨螿使使我稼穡痒眴彼文武衣不殺勢蠱午令嚴敢誣諱清河

有蚘蚘驅除集承尉私祝欲口吞祀醜或跪乞團團滾焉休藹藹響

猶未坎坎掘其溝竿竿縛以扉捕蝗者縛做履於竿以撲入夜火具揚燠乾雜枯卉

成旬患始息一喜罄百費聞來大江南障天如靛黷遞馱羽檄馳遮

列羣吏涕誰是卓魯境遠避棠蔽芾鄉愁我心搖或告君勿畏厥性

北不南背飛君且慰我聞紫微言通變出義緯明詔詎忘漢小忍顧

效魏倪韓妄囂呶王令徒夢寢鷹啄知有無鳳食轉歔歔袖賀行自

慚蒸餐痛何味魚鳥故親人饕餐布羅尉而此奪民天偏同育他彙

焉識雨暘時刑賞協帝謂室處治及賤房中化自貴夫然舍蚺螻至

教罔弗暨南軒張氏釋蝨斯之詩云是雖微蟲實鍾太和之氣以成形又云蝗大小不一與他彙不亂亦不相軋元史五行志至元五年童謠云馬札望北跳今俗猶云蝗必自南而

北然宋徐照有蝗飛高詩云櫛櫛北方來橫遮遍天黑則南北固非有定也宋王令有夢蝗詩至和元年作禹貢孔傳以朔南暨聲教爲句應貞華林園詩云聲教南暨

梁構亭自香河令調任欒城

龍灣績奏上龍岡路盡風沙入井疆宿學幾人兼幹局素交爲吏總

循良廐閑六服都鈴選奉徽買馬旗鼓三城大隊行頻過西師不有彥光來靜

鎮得無毫髮擾農桑梁彥光見隋書循吏

計程三日促裝難問訊連朝折簡看徐稚預期蕃榻下晏嬰重念胼宗單謬教拙訥司都講喜有謳歌達考槃事業黑頭須早建吾衰尚及見驂鸞

題黃梁祠

邯水邯山候館開十年前度辦嚴來乙丑曾以一歸廝養才人老不借奉使過此

青衿夢亦回

稻梁謀拙賦朝饑更傍叢臺攬客衣我若夢遊仙有分只為蝴蝶夢中飛

題畫

朔雪迷漫壓徑平瓊臺獨上看雲行遠村何處虛舩在杳杳寥天一鵠鳴

胡麟趾過訪

麟趾名在甬永年人乾隆丙辰進士知松滋縣比十年

贗書能辨間去編誣讐比勤勤味道腴十載宦成貧士似老年心苦後生無遺經獨抱門常掩精舍來觀杖偶扶一日相遭矇盡解方知樸學有真儒

四思詩

并序

歲且更始生徒雲散兀然獨居舊感紛至昔張平子為四愁詩以倣屈原意格乃出宋玉招魂傳休奕張孟陽擬之形模似矣竊謂不如少陵同谷有其神焉兼所取法以解寥落忘其不自量也

我所思兮黃河春薄暮渡河奔河濱平河橋北七十里千桅萬燈波磷磷一為別兮載改歲今春敬關棹重繫同舟故人已佩符書來苦

說謀粗糲

我所思兮從川夏空倉悲風號黑夜時居倉屋麻衣出城更入城腰脚疾

作卧僧舍禪度一為別兮及廿載雲樹龍眠夢魂在自傷顛蹶名已

毀鮮民之生日負罪

我所思兮蓬山秋葑間白蓮香發幽林滴暑雨踏泥返索人和詩池  
上樓一為別兮經八年時移豈敢忘其愆天邊旅處作家信 賜貂

雖饑毋賣錢

我所思兮湘水冬湘干霜摧蘭杜叢孤航元日泊湖口愁予渺渺君  
山峰一為別兮十三祀芳草小稿書篋底嘗編湖南詩名都鞍馬湘士  
題曰芳草集多載書而出吾老矣

巳卯 五十三歲

寄懷何太穎孝廉試用廣西

清選取才實單家慕名官投未匪憚耕露祿為承歡山濤迭啟事貢  
禹虛彈冠豈不擅風表曠近常異觀一朝聞趣裝捧檄桂海間尊累  
慰宦望婚親快鵬搏所冀蒲苾化重惟牧宰難平生務逞節處勢艱  
反刎眉頭雖暫伸縷責始交盤認詞孰機辨輕訛多面謾老婦拜姑

瘴偶旅宜低顏阿孀鞠嬰赤羅襪貫摧肝符攝迫嚴峻通章勉繫轡  
科法甚毛銖訊牒窮翻瀾羸跡及穢腐搥捶忍凄酸上顧前轍戒下  
恐擿校寬或辦來美聲繁奏殊罕閒弊劫釋編貫洽賚馴徭蠻傾注  
於上流指辰躡通班舫乘當暮春連懸凡若干西償更東敦其易即  
填還聊用解答颯著鞭渡桑乾南去過家巷長筵慶團樂王程幾千  
里程程溯江湍宦立為君喜闊積念復攢遺書代捉手暄風吹愁端

幹子城并序

康熙初永年令朱世緯縣志古蹟不載此城府縣新志乃稱城在縣  
南三里引北齊書及寰宇記皆謂干將鑄劍處今為韓家屯村夫干  
將吳人事見吳越春秋闔閭內傳其為劍匠自在吳地安得廣平有  
遺跡歟貨殖傳言邯鄲郭縱以鐵冶成業與王者埒富壤地相接幹  
子或其徒侶耳是乃以幹子訛為干將而後人顧謂干將訛幹子耶  
別有考在清暉小志



歐治造劍鑄浦山干將後出盤閭間食殘兔腹氣冲斗鑪池曷遷滄  
一灣吾聞郭縱起鐵冶都會漳河埒王者鼓橐熾炭鉤師同幹子其  
徒名久假干將躍水作龍舞更無人取華陰土我有淳鈞置匣中不

能拔鞘空談古

皇甫遵吳越春秋注赤華山一名鑄浦山在會稽縣歐冶子鑄劍之所淮南子曰區冶生而淳鈞之劍成高誘注曰淳鈞古大銳劍也按鈞疑鉤字之訛然

李華練塘頌有淳鈞精堅之語李善注文選引越絕書亦作淳鈞則二字古通也

郭公柳 并序

宋史稱周顯德中洛州團練使郭進嘗於城四面植柳壕中種荷芰  
蒲亂後益繁茂郡民見之有垂泣者曰此郭公所植也舊縣志謂成  
化間郡守李進種蓮未嘗考及宋史疎矣

柳色豈周樹人情猶宋年拾遺文久沒補闕令誰宣魚戲涵暄影鴉  
啼入暝烟數行蒹葭外搖豔幾芙蓉

按宋史進在洛州有善政郡民詣闕請立碑頌德詔左拾遺鄭起撰文賜之又辛仲甫知彭

州州少樹暑無所休仲甫課民栽柳陰行路郡人德之名為補闕柳陳釋惠標孤石詩峯作一芙蓉

題堂壁石刻黃樹詩 并序

壁有詩石刻明御史黃樹欒城署中懷其同年蘇京詩按樹以守汴  
功擢御史旋以督學湖廣過此故其詩有何年解甲鐫衣惡及野心  
此去護柔腸之句時京巡按畿輔見而屬和遂並刻之京嘗於永年

建紫山書院

在城外近人乃移其名以改漳川書院

其後為河南巡按在差而逃

論功汴上奮囊沙陳疏南都力觸邪太息故鄉師友盡遺詩疥壁孰  
籠紗

廣羊山 并序

向聞廣平三君嘗同隱於廣羊山問之里人都不知廣羊何處閱沙  
河縣新志乃知山屬沙河志亦不知曾有隱者

聰山西去廣羊山山在平沙落照間峽勢壺形人不到石泉風與送

崢嶸

山有懸壺腦七里峽張命士詩云壺形猶地瀝峽勢已籠崢

水

六月枯旱七月水閏月撲蝗掘蝗子閏六月蝗子生翎水決口田禾濡

尾人濡首聲吹鬼神風拔樹官令四門先塞路洛河灌北釜奔南河  
面蠕蠕湧蝻去雨中繫役隄堰平只有儒肆從欵傾日聞文符走健  
步微村切里難分明預防先事 詔截漕去聲官勘胥鈔籍孩耄耶孃  
妻子握粟多却念死者傷如何

屋壞

伏雨闌風瓦礫場橫流激壑逼金隍一平波路通遙埭孤絕書棚寄  
野塘過客勸移曾子屋隣家謀築宋人墻去聲分無瑞室堪爲頌兩版  
爭先護縹囊梁簡文帝詩征虜囊湯軫歸騎息金隍

雨不止

版築垂成水敗塘淋漓天漏挾風狂有私物論參恩怨無驗方書測  
雨暘四海正歌兵馬洗時聞賊渠逃竄同衆投誠一隅休憾麥禾傷土豚豫作須良  
吏安藉金卮急用禳順治戊子漳水溢入滏河與隄平郡守三韓許文秀身先奮鏹又以金卮及府大門扁沈水禳之乃退郡人感之見舊縣志

聞盧司臬賓王兄沒哭之

告凶來赤翟敘別自瑯邪祗訝瘖楊信終傷痺李華時以病風失音途窮常似  
劫名敗更何誇剩有還鄉夢和君餉外家魏書劉郁遇劫賊呼曰齊州主簿房景遠是我姊兄北史李琰之自誇文章姨

兄常景笑而不許 舊唐書杜易簡博學有高能姨兄岑文本甚雅重之

居貧誰暖眼少賤共方頭持橐虛同直褰帷竟絕遊老親資祿養稚  
子利蒙求俯仰知難瞑昭銘獨首坵

懷舍弟客趙州

迢迢市暨鄙城南暫爲持籌當去聲載芟壁涌波頭何代畫橋橫驢迹  
幾時劊山郎未可輕黃霸鹽籍何須落畢誠古轍今風隨處適莫因  
羈鞅闕封緘宋周輝北轅錄趙州城外安濟橋隋時李春所造橋有張果老驢迹 唐裴裕東觀有畫水相傳以爲吳小仙筆或云吳道子筆也按王舟州四部稿有題趙州畫水古詩不言何人之畫池北偶談云趙州畫水世傳是吳道子筆陸儼山大駕北還錄云宣德間定州何生作也

寄懷桂方來

江鄉訪舊逢君病河朔傳書說病添賴是中醫能不藥竟成貞疾尚  
其占堯箴在御聲相叶謂兄音裴絲竹當筵興未厭君精音律寫寄離思期後

會春園櫻笋酒重拈

西師凱旋回部內屬恭紀

歸義荒王出遣車達及齊封親王旋卒俟斤骨粉棄屍餘阿睦爾撒納竄入俄羅斯其誅畏吾已盡

狼蠹蠶爾猶煩建隼旗黨散驕彌無大小罪原智盛並親疎秋澄一

片婆陵水光映鎔金佩曳魚逆酋小和卓木霍集占大和卓木波羅泥都俱為拔達克山人素爾坦沙殺於柴札布

浮圖川上動饒歌九姓紛攜客部多回部葉爾奇木哈什哈爾諸將捷音馳別部拔達克山博羅爾等

壁壘可汗封號譯婁羅剽鈔一變迴如鵲隴畝三農種去聲是駝西北

百城行國外自準噶爾全部既定左右哈薩克東西布魯特塔什罕安集延烏梁海諸部先後內附今又收降回部凡關地數萬里金微鐵勒總投

戈舊唐書迴紇傳舍俱錄華言婁羅又元和四年迴紇遣使改為迴鶻義取迴旋輕捷如鶻也五代史回鶻以聚駝耕種史記大宛傳行國徐廣曰不土著按準夷皆行國回部則有城

鑿輅親臨勞率旋二月二十七日黃新莊築臺郊勞豪街充斥待朝

天瓶施高坵千人飲去聲版負新圖萬戶編轉戰尚思羊虎谷置郵遙

溯鷓鴣泉單于臺卽燕然府動地歡呼 詔旨宣

瀚海東西息扇張玉鈐左右控封疆坐收精仗纏頭綵行擁高輪大

尾羊被服雪消衣縞素同文風化字橫行恭惟 廟算光

前烈保泰允厘庶事康回紇衣白故杜陵留花門詩云連雲屯左輔百里見積雪李衛公幽州紀功碑云衣冠縞素又上尊號玉冊文云種類磐互縞衣如

茶 回紇在元曰畏吾兒元史畏吾兒字橫書按顏師古西域傳注曰今西方胡國南方林邑書皆橫行不直下也

庚辰 五十四歲

次韻酬李尉并序

李君名心正字南陔浙之山陰人廣平縣尉也其先任四川之崇寧

有嚴君平墓久蕪沒君尋訪得之立碑建祠又刻君平所著老子指

歸著論以辨其無識支機石之事彙古今題贊為崇德祠志略自稱

嚴意子又號耻齋余惟孟子云人不可以無耻漢書孫寶云士安得

獨自高節取二語書聯贈之復次其投贈之韻以答

仕有時為貧義與古先遠不遭無不為上聖猶少賤君躬素士業榮

譽矯俗羨隨牒尉永昌忠孝肯置念從原詩叶槎辨博望誣壘考龍圖見

君平不棄世斯意日眷眷祠成誌亦傳扁舟下江練載仕小廣平風

則守無變所求尺寸補不負升斗戀僑士喜親仁問訊纔偏縣惠詩  
 煩再三改歲始一面倉猝設主賓焉知後之便吾生累虛名齒髮耗  
 席視學易憂患餘天行究旋轉王韓於魏晉老易稱共貫指歸著卜  
 肆實先得所願君為發其微取節抱殘卷落落孫寶隣遙遙梅福傳  
 君更遡郭曩吾擬續元晏漢書君平卜筮于成都市與人子言依於孝與人弟言依於順  
 與人臣言依於忠 龍圖謂趙清獻公成都集記云羅隱隸書君  
 平井碑在永昌縣嚴樂院後井東南可五十步即君平墓碑曰蜀莊之壘 王韓謂王輔嗣韓  
 康伯之注易非謂王喬韓眾也 嵇康高士傳周宏讓續高士傳俱不傳獨皇甫謐撰者傳耳

五月朔先妣忌日

鮮民猶未死廿載痛靡依捧奠單筴在嘗新故土非逾旬天狗墮月  
 隕星向午日烏微是日食老病兼憂戚紛來涕泗揮

寄王用晦

用晦名今遠曲周人雍正壬子同年也由乾隆丙辰進士  
 歷任濟寧州牧歸時以所作七先生傳及蓮亭遊記見寄

凌亂蒲荷滿澤陂故人蘭訊慰孤羈笑談如見維摩疾君方袂襍煩  
 抱疾求下女貽文獻朔塗憑實錄登臨秋館寫清思手鈔彙入巾箱本待  
 訪緇帷更質疑余輯清暉  
 小志將成

寄用晦詩未達遽聞凶訃復次前韻述哀

逢迎幸不隔山陂酬唱鵝湖欲忘羈君歸為毓英  
 書院山長絕筆忽成千古恨浮  
 生剩有一經貽荀卿遊學年相若君長余  
 一歲陶令歸田世所思君在濟寧  
 自解歸顧  
 我旅裝無藉在新書誰信亦誰疑

順德太守金質夫過訪

軒車凌曉過蓮西立馬花邊問解攜避暑惜無河朔飲尋幽煩為野  
 亭題一襟風颺周池闊四望雲垂夏木齊好景但常來好客劉瓛原  
 自適清溪西都賦呀周池而  
 成淵謂城壕也

雨後榴開

積晦無繇眼一明小園晨涉快新晴步窮蒿徑逢劉杙坐久苔磯脫  
 杜榮甘讓繁花及春發好占碩果待秋成隔溪承露憑誰植自衛還  
 夸向日傾西隄外有人家種向日葵按葵名承露 爾雅釋木曰劉劉杙鄭雅箋注曰即石榴本  
 草謂之安石榴然則博物志謂張騫得自罽林安石榴者非矣又釋草蒺杜榮箋注曰

即芒草也  
 可為履繩

觀荷

望望朝朝俯碧瀾遙遙夜夜夢河干風櫺不隔香清遠只當移湖屋

裏安 南齊楊叛兒曲歡欲見蓮時移湖安屋裏

攬芭登蘋意總休圍蘆蔭柳此芳洲獨應心折花君子造熱風多面

未秋 宋玉風賦生病造熱江總雜曲君面未秋何意冷

題漪樓記石刻 并序

荷花館之盛莫如明萬歷間劉公芳譽為郡守時申端愍公詩所謂風流太守一高陽也漪樓一記刻意琢句後來碑版罕能追步而石刻嵌旁屋塵壁間百年來輯志乘者搜索所不到余拂拭於幽翳之中手捫而筆錄之更求所謂漁磯露臺浮橋者皆莫定其處惟門壁尚有劉公與秦京阮太冲唱和詩石而石以在門外為人刻畫不及此記之完整秦阮皆公邑子當日與張林宗稱中州三先生者也漪樓記石父 劉字逸調何氛氳栢構久易制鏡石人罕聞負焉仙佛想

此記中語百載埋荒屯我來作堂長索隱乘隙曠掃壁自捫摸燒燭重佔

呻讀竟不皴裂愛玩踰阮秦看花及花發香色侵樓勢春來漫漫蘆穿穴由切隣恐蘆化成荻侮我君子身秋深青蓋折無用賈流津河

底歲填淤是賴決瀝勤去年龜兆出旱涸絕纖鱗今年代萱草雙蒂迎日分榮悴豈有常即日聊可欣採荷莫復諷寒漪正瀾淪 昭明太子詠同心蓮

詩云以茲代萱草必使愁人歡

辛巳五十五歲

陰雨三章

二月陰雨朔風載涼我來朔陞三年以強老僕去我羸馬薄裝爾歸則悅伊我豈忘

柳梯在陌簷杏始花他鄉之室我以為家爾去自春我秋引車語我知故遲我江沙

有姊有姊所天各無我之熒熒鳥則無雛有弟依我乃客岐路又失

僕貞何為旅處

春雪

春氣劇暄暖，淡旬恒烈風。陰雨此兩宵，如膏潤濛濛。墻頭雨中花，菴  
靄生丰容。夜來風更勁，屋側摧枯桐。但疑吹雨斷，焉知雪塞空。一徑  
委萬玉，凜冽如嚴冬。病軀方止酒，踉局難熱中。濕薪鬱炊烟，怨咨聞  
僕童。生徒怯衝泥，負笈莫過從。獨坐手故書，傾耳懷陶公。片席支破  
窗，苟且為彌縫。其滂恣穿穴，掃淨仍紛溶。移牀障敝簾，或晴當下春

後鬼車行

喉喉舌舌伊，叻聲頭頭翼翼。虺虺形閃閃，爍爍乘晦冥。若有鬼馭來，  
天庭周官分職逐。天鳥釋民惑，志迹須掃洞。然一體本無疑，何憾手  
無弓矢討。君不見天有一夫九首守帝閭，地有九鳳九首北極神。雄  
虺儻忽世，莫遇此鳥獨與酷吏倫。鐵籠未取甕，未內豺虎晝出張牙。  
斷鴉母，鵬子類鼠竊。畏人豈敢當日輪，我昔賦詩枉渚濱。時無潭守

如李椿暮途驕，棲李公里緩音低。語續舊聞歸，巢有徵明定。霽會聽

絲蠻，哢檐際。鷓兮鴟兮河上歌，載賡古調向誰何。歐陽公鬼車詩此鳥十頭有十口口插一舌連一喉

李壽翁守長沙捕得鬼車見齊東野語梅聖俞詩或時月暗過聞里緩音低語若有求

得家書

寄書秋半春初到，懊惱書遲見。却歡見說秋成新，穀賤過年餬口不  
煩難。

和金質夫隆興寺登佛香閣韻在正定府城俗名大佛寺

早傳香界役天神，傑構頻經駐蹕新。宮先去聲玉華通御氣，臺參金閣

現真身。雨雲岳頂來何際，時方多雨露水壇心證有因。我未攀林空表刹

寺建經壇，羨君吟眺預。春巡隋始建寺天降異香見張公禮龍藏寺碑元史世祖本紀命鍊師王道歸於真定築道觀賜名玉華或以為秦定

間始建玉華宮者非也舊唐書王績傳五臺山有金閣寺鑄銅為瓦塗金其上

寄舍弟阻水元城

水湧漳洛路絕蹤，尺書難遣鯉魚通。何當遲久來芳訊，原上飛行各

病中

日長無客下扁舟時聽飄風落隴頭景色最奇愁亦絕夜涼四面水

明樓時蓮亭東西堤並沒水中需船以濟

壬午五十六歲

四月營宅兆於錢塘湖九曜山南事畢復將北行

脩壟初成馬鬣封偕單心力幾春冬三喪卜宅傾舟麥九貴移宮倚

廟松會葬客無延雜弔歸耕書枉輯田農孤雲裏裏浮江出魂戀南

山暖翠重山在宋時有九曜星君殿按宋史禮志紹興十一年詔臨安府於國城之東建築九宮壇遺又高宗本紀紹興十八年築九宮貴神壇於東郊九曜即北斗九星也術家以五星等當之指為山之形象謬矣漢汜勝之種植書本名田農書見李善文選注

舊書篋中檢得輯評蘇詩殘稿

百種書鈔散碎存十年夢斷往來論塗雅稿脫成猜忌故紙重翻滴

淚痕

重至蓮亭

城上霧雲蔽日紅石欄閒倚水亭空蒲荷葭菼皆新長聽不分明雨

又風

夜坐

朔陲雨後嫩涼生問字何人載酒行舊業浮沈過小滿新文商畧及

長羸余以閏五月至鬢垂素髮悲元操口學微詞誤屈平獨抱遺經誦忘寐柳

林河上一燈明南史晉宋之官以六年為限近世以三周為期謂之小滿余前客廣平過三年故借用之元操北齊李孝貞字

呂君贈銅雀瓦硯歌并序

魏三臺皆作於漢建安中臺有二而人但稱銅雀者以其先成特書

於魏志且殿西有園即名銅雀三臺又在其西魏武遺令已獨稱此

矣魏以後臺經再造一在後趙石虎居攝時一在北齊文宣受禪時

至武成乃以三臺宮為大興聖寺逮後周靜帝時韋孝寬破尉遲迥

三臺並毀今銅臺之瓦猶有得自漳濱者莫定其為魏趙齊也余別

有考文多不錄呂君名游字樂天臨漳諸生嘗注易又好管子書授

上月已歲時篇

卷四

三

徒磁州壬午夏謁余於廣平因贈此硯

羽陽宮瓦紀千歲甘泉宮瓦題長生羸顛劉蹶劇驟驥瓦頭銘字留

分明建安都許袁劉喪司空曹侯位丞相鄴京閣道起三臺銅雀中

央屹相向峭澗返旆總帳懸伎樂百戲延康年諸夫人過自伏魄香

銷組廢荒墓田精舍譙東迹並掃憤懣臺郎來獻帛將軍降趙少府

誅青雀化鸚赤雀菴臺更金鳳石室空與聖改寺大蝟攻鱷鯢又見

築葛屨馱甌翻貴如璧琮魏國先生雅鑒古說易滏陽稱易祖權衡

輕重管夷吾心胸開拓陳同父詒我硯材雀不渴燕斑著骨波紋活

章求歐奪兩抱慙但日鈔書忘腕脫古來書厄秦與新五厄遞及湘

東焚此硯與書僅有存幾回濡筆傷斯文

元魏孝靜帝時有青雀子童謠北齊文宣帝受禪日京師獲赤雀以獻乃堯難宗所染也賀鑄故鄴詩序云章孝寬破尉遲迴築京觀於葛屨山此事不見正史序稱鄴都記按通考所載有鄴都故事二卷鄴中記一卷故事不可得見世所傳鄴中記稱是晉陸翹撰者乃雜集羣書成之應是偽書其中亦無此條硯箋徐鉉得銅雀硯注水試墨即滲鉉笑曰豈銅雀之渴乎李邕詩云銅雀不鳴惟解渴管城何罪遽遭髡蓋用此也按銅雀在宋已多偽作故韓魏公詩云頭方面凸槩難別千百未有一二真韓魏公有答章望之求古瓦硯詩歐陽公有答謝景山遺古硯歌皆即銅雀硯也書五厄見隋書牛宏傳

疊甲戌年詩韻寄龔梧生

時自山西榆次令撰賦山東曹郡

太行雲物朔風前循譽東西壓吏銓坐向春園看花發

澤膾魚鮮劉放治郡行寬政范晷移家托寓賢苦憶南華著書地

鵬河鼠各安便

行次正定遇鄂罕回部來朝

并序

回部內屬拔達克山乃極西之境又西去馬行三月有國曰鄂罕其

國主愛哈木特沙遣其和卓館密爾漢齋表貢馬按唐宋史俱言大

食國其境盡於西海其俗不食猪狗肉有禮拜堂與今回部正同鄂

罕應猶在古大食地而拔達山豈即石國之勃達嶺耶

鄂罕亦名葛漢

三月程通勃達山算灘緘表款重關衛溫得自攻原後虞芮來從過

密還萬舞廣筵張

帝所雙瞳文駟烈天開大涂日有新治道孰傳歸忠定八蠻

元太祖平西域凡下

七百餘城其王皆稱算灘見元史郭侃傳又見劉郁西使記今其國主稱汗時正定保定俱有筵宴唐書迴紇傳渠領請治大涂號參天道又開成間曷波斯降詔宰相德裕采秦漢以來三十人為異域



歸忠傳寵賜之漢書西域傳匈奴百蠻大國顏注曰於百蠻之中最大國也後漢書西域傳陳忠疏云八蠻之寇莫甚北虜

命申 五十八歲

將暫還廣年寄蓮亭諸生

蓮塘水落別經春嬰疾纏絲旅寡親哀結同塗儀草草感增岐路喧  
頻頻未何當枚叔仍梁客常使廉公憶趙人聞道擁書都授地頽  
垣破壁總更新齊安仁哀永逝文昔同塗今異世

蘭陵王入陣圖歌并序

北齊河清時有蘭陵王入陣曲考王本傳但言免胄示面而唐崔令  
欽教坊記則以王貌類婦人乃刻木為假面臨陣著之劉餗隋唐嘉  
話舊唐書音樂志文獻通考並同蓋舞以像此曲亦歌此也余按北  
齊芒山之捷有二一在東魏孝靜帝武定元年即梁武帝大同八年齊鼓吹曲有  
戰芒山是也一在武成河清三年即陳文帝天嘉四年事詳段韶傳中蘭陵乃文  
襄之第四子而唐段安節樂府雜錄誤作神武之弟後人擬曲因有

誤孫為弟者

芒山破周十萬軍神武始憶元康云軹關將去擒洛圍解武成南討  
續樹勳金墉城前孰深入武王年少驚絕羣崢嶸大面假亦真盛氣  
足掃關西氛拜賜娉婷宜被寵脫鎧曷愁面不腫長髭未隕鳩媒來  
枉令累朝傳膽勇勇在丹青和教坊百戲萬舞千金裝即今威顏肖  
刻畫也如執翳懷文康可嘆齊亡城舞設獸耳飾金還畫獬與哀自  
古關天行好醜於人難口說君不見朱伺鐵面弩的發狄青銅面更  
披髮古人面柔壯其猶今人面剛肉無骨音樂志周武平齊作城舞亦刻木為面效齊人之狀

新玉煖手歌

河源有二一于闐分為三河注一川三河方折盡成玉詭錄猶憾疎  
張騫三絕三通歷後漢獻玉始晉平吳年大或塊重數十石細雜帶  
佩斤盈千豈無圭璧却顯德可笑簪釧求貞元授寶通聖紉定虛語  
所貴依內同依天我昔考古凜龜鏡忽覩輪囷致精瑩甘掾窮臨西

海還駢負瓊蒙走不脛獻琛遙共寶鎗携席珍下應儒宮聘想當涸  
 澤滂自秋每乘皓月光方盛拜號爭夸得砥鱗紀年敢復稱同慶貨  
 奇倍利如孔香價賤全由民市聽吾聞球琳告文命伊尹商書作獻  
 令僕儼頻歲遣阿辛宿衛誰為尉遲勝漢書西域傳顏注闕音徒賢反字書或作去聲 晉太康中于闐國獻玉印音書不載見魏書祖瑨傳 通聖山在于闐國北境又于闐謂金翅鳥為所鱗宋嘉祐八年其王乞此號並見宋史 蔡條鐵圍山叢談于闐朝貢使每來必携其寶鎗以往反 五代史晉天祥三年于闐遣使來貢稱同慶二十九年

初秋蓮池小集遇雨

凍雨蓮塘日洗紅翠雲彌望柄搖風剩留墜粉還臨鏡一霎跳珠又  
 打篷覆蔭賴依藤老大迴環漸佈石玲瓏何當鈔諦隨緣得到處傳  
 觴有碧筍謂從廣年荷花書院來也

保定旅懷

旅處嘿息忻慨交心願言懷人觸緒成詠詠非一事成不一時以其  
 皆五言也彙鈔以為旅懷

諷書以字計習書與做為往往白髮翁常作童子師孟胡終乎爾語  
 胡首學而童難喻斯義先在熟其詞我八再筮蒙亨皆是世胄兒厚始  
 恐薄終驕盈壞門基殷勤老夫望由禮豈預知所職但句度佔畢且  
 呻其做書習書見元史懷慶傳

端居苦無歡挈杖問林阜只尺蓮花池近市乃離垢得侶即童冠何  
 必計誰某古藤蔽巖局柔條拂培塿茗會憇亭陰不在攜觴酒酌言  
 與子宜聯步相人耦萬戶一疏鑿奕世為游藪烟景似江南增華無

不有蓮花池元萬戶張柔所鑿 聘禮每曲揖曰以相人耦為敬也

謹齋昔左遷鴻臚卿 傳嘉言一舸還建水十年重趨朝清卿位連徙念我久見

客其旋詢素履厚祿書盡絕君獨顧窮圯喪祭訂先民宅兆斥方技

朝騰西樂駕暮就東垣息逢迎鄭使君正定鄭謙 基太守贈之壇山刻鈍丁嘗

有求丁敬身 號鈍丁宿諾遠難即汨余蹇淹留集古由肇域太室宋鼎譌鈞黨

孔碑泐近得豐潤古鼎銘曲阜孔褒碑金石空自珍同好孰賞識會投琳瑯室純子所居曰金

相從展蟬翼

我友子桂子方垂髫與交親爾汝三十年耐久惟率真前年君送我

去年我哭君我有數紙書函寄冥漠人不知君難兄令兄晉裴何日以書

焚夜來入我夢談欵如生存不云見我書毋乃匪君魂魄兮豈誠來

夢緣想與因無術續殘夢安能留幻身悠悠彌月程脈脈十二辰

足力昔猶健捫蘿躋雲居訪友悵不遇題詩寫研朱嘗訪柳潔夫於雲居山

丹筆即次第來報章晚菘周幼及潔夫蘭蕙方春風曷為饑所驅鸚亭

舊有亭草堂我本無餞離圖草堂贈言尤清腴戴鸚亭畫上湖草堂圖并贈詩瀕行更開

篋佩玖貽東扶老菴足酣歌西鄰傷剝廬張東扶所居老菴與余祖居同巷時亦贈詩故交日以

少新交日以疎少年雖輸心澆薄非我徒

先人有敝廬藥市書坊間南宋時坊市名芳隣所最近椒石邵齊川吉士橋東偏又東

槐塘兄族兄西顯其南乃桐山胡寅若通守昔我遠行邁手畢時往還我今局官

齋烹鯉孰勸餐舊札都不存投澗緣平安如何孟公牘亦無藏去焉

壁上槐塘詩寄贈今六年收之謹篋箚以保墨采鮮

自我友林大山卅年見三遷其初家鼎盛裘屐習未捐尊彝列堂上

童僕羅席前文酒富清製名勝坐盈瓊學銳家始落家罄學大全忍

饑自寫圖自畫心饑誦經圖屠沽豈知賢雲烟一再贈近別又三年遠遊屢著

未愁君直如弦韓才世不無楊岐行且旋古之侗儻生多在風塵間

十年辭大都五年任平于邢洛一朝夕樂氏三日途樂有良民吏梁

亭邢得才大夫金質夫兩賢故所歡無月無手書金門徙津門質夫調

望魚鹽區三婦空艷歌五馬難踟躕間一過省會倉猝摻衣袂構亭

徒跣歸以丁再葺城南隅聞將稅北轅昏姻言就居君來幸寄聲我

亦還學廬廣平為漢武帝時平于國見景十三王傳及地理志注惟魏書志作平干非也

金門寄我詩纍纍五百字詩哭趙東潛奇崛出涕泗東潛載書出新

製復盈筍注注補水經非非訂水利東潛有注水經注近又撰直隸河渠水利書問津良自知遊

岱竟為崇自天津至泰安病沒古來經籍傳什佰纔一二當其抱苦心各為不朽

事傳亦何可必所感良友義金門欲為刻其遺書

舊旅樂孔懷坐對蒲菡苜朔風吹離披聚散生百感叔子濟同舟前

三弟省三同余北行至濟寧始分道中道有延攬叩君韻獨居四弟字吉尚寓永年出郭水軒掩移家省

會人凶事來坎坎豈不隨化遷驕心劇為憐兄留弟復去二弟有元城之行時弟亦喪婦

空館委長簞魚目並鰥鰥服葶祥且禪兩輔須一行南望愁雲黯

沈年苦頓憊攸往攜藥籠侍疾乏負薪乳獨逾龍鍾有客遺禁方多

男祝華封再拜謝嘉客司命由昊穹不見古緹縈無男乃倉公癘疾

况隨時瘥結難可攻我聞晉桓侯無病忽已終復有蘇特進方朝仆

於宮貴者瘡轉劇薰心為患叢賤者劇易瘡貞疾未亡中以此謝醫

藥盜然求內克

書舊詩箋後井序

書麓中檢得庚戌年上蘇畊餘先生古詩一篇距今三十五年矣先

生以康熙癸巳進士為杭州府學教授先君向從其遊後師韓亦廁

門墻先生歲為文會省中知名士無不承其講畫獎借者先生沒且

二十餘年師韓顛躓仕途有辜期許展閱故紙不禁泫然

宋學昔請業蘇門曾獻詩席聯先友後簡授輩流時知我有鮑子逢

人說項斯衰殘頻被謗覽舊益增悲

友人先後惠蟹

正是江村稻熟時見哀郭索動鄉思溪灣下斲橋收籠蟹畧何人錄

小詩

西沽漁艇會城投橫跪頻煩饋賈收久矣蹴蔬羊不夢枵中驚拜內

黃侯

壘白鳴薑鼎實加別開醯甗沃桃花南烹尚有調羹手似鑊無須啣

用牙

齊東野語賈松老和沈君與送齋詩啣稱吳兒牙似鑊劈懶湖女手如葱

大嚼連辰快老饕餐加白飯飲紅膏年來止酒瓶常罄醒眼看花亦

儘豪宋劉仙倫得蟹無酒詩此日淒涼何所似淵明醒眼看黃花

題曝書亭集後

奏彈名在皂囊封老作東西南北翁長直有盧分左右前銜慚愧與

公同竹垞先生以史官充起居注官直南書房余亦充記注直上書房兩書房一在西一在東

冬至

至日年年困旅居几筵臨奠痛何如寒禽落影南雲外枯樹搖聲朔

吹餘席徹尚煩仁者粟時廣平諸生猶奇文請業津通易得庶人魚逢迎雖好非吾

土黃髮漁樵事豈虛祭義父母既沒必求仁者之粟以祀之注云喻貧困猶不取惡人物以祀亡親也楚語庶人有魚災之薦又曰庶人食菜祀以魚

乙酉五十九歲

移居蓮華書院觀荷感舊

依蓮更說蓮花發又蕃鮮作柱本無望為裳斯可憐風翻巖日下雨

滴水雲邊高格看如舊隨方葺屋便

憶賦跳珠罷辛未夏賦荷珠旋歌織貝成青心空作苦湖目謬知名潔有泥能

染濃無露獨擎秋深皆老物何憾碧圓傾

臨池一莖白登閣數峯青西園池上有樓旁列山峰未幾毀去花與境交夫人如夢早醒流

離黃蘗塢浩蕩白蘋汀便使真成識辛未詠池中白蓮人或指以為識丰標足自馨晉子夜歌高山

種芙蓉復經黃蘗塢更得一蓮時流離娶辛苦

席倚荷花館書留宛在亭辛巳撰清暉小志三卷於廣平書院罷伺都授講來課貴游經硯

自三臺挈謂得銅雀瓦硯泉從一畝渟瑤塘重結托別爾幾秋螢何有平仄音漢書淮南三傳候司作司

詠春午坡菊坡以種牡丹得名

百寶欄前見獨清離騷風味薄浮榮霜威自斂曾非傲眉壽相親覺

有情稀少忍教擎滿把孤高難與譜新名何知姚左爭妍地別蘊寒

香屬晚成百寶欄見王仁裕歸元天寶遺事

遙輓林蓮山

博士橋過曲巷通從余家過李博士橋即君住處送君移宅幾春風往還尤密豪華後生

產全拋闊落中善本手捻寧估直好詩心賞不治窮蓋棺未必無遺  
行我自交情固始終時有議其短者故云

同人詠梅

禁用雪月霜雲水玉粉蝶雀鷺香色影魂僧及美人等字

脩到梅花亦等閒獨含真性隱相關綴名已闕靈均賦邀賞休矜鄧  
尉山無意十年成薄累何心三友强高攀憑誰落墨形骸外只畫空

枝遠望間

劉克莊詩幸然不識桃兼柳却被梅花累十年

雨後

林間殘滴尚紛紛步履拖溼沒薛文四壁山容圖水墨一絲我是入

山雲

園雀

雀雀步清澗星星明白衣山空皆可舞天遠不求飛雨露驚心在甃

甃俗眼非商陵夜聞喚一為理琴徽

雀警露惡陽愛陰故雀又作鷓從雨見埤雅通雅等書

丙戌六十歲

燈夕

舍利西來幻火城成川成字變從清阮咸聲裏嵇康舞可奈魚龍鬧

燕鶯散樂有舍利獸從西方來激水成比目魚跳躍化成黃龍又江左有畫地成川之伎又聖壽樂舞行列必成字並見舊唐書音樂志宋錢易有薛九嵇康小舞詞嵇康江南曲名

冰嬉火戲舊歡康十載重逢此勝場莫憾一棚垂燼易兩宵預與展

錢玉

聞重得雪浪石於臨城輦致定州衆春園

玉井峩峩湧雪浪奔流作文礮為狀坡仙謫去石齋空石委泥沙故

無恙浮休居士來中山恨公不見石載安俄經靖康閱金元越四百

載尋舊觀陽華軼事遠莫溯蕭齋但詡太璞完雙槐旁蔭百寒暑一

朝遷使蘇依韓從來有形會有盡愛憎離合何足歎異事驚聞妙峯

現層房跡淹歌舞院忽如伏櫪驥志伸人人爭識山真面文符下取

逼殘臘人馬鞭驅指華塔飛來摩詰畫敢留拜向辟疆題偶合黑河

介齋疑枉然盛名克赴須才賢君不見連山皆能變瑪瑙安知非兩

孫重寫一芙蓮石旁傳有雙槐是蘇公手植見萬歷間州博士韓上桂仰蘇亭賦 瑯嬛記引丹青記云王維為岐王畫一大石一旦風雨飛去相存空幅後高麗遣使言神

嵩山上飛一奇石下有王維字印遣使奉獻 袁華拜石壇詩序顧仲瑛嘗於東城菴假山廢基得一石上有蘇子瞻題識及仲瑛得子瞻答王忠玉飲快哉亭帖與石上題識相合

丁敬身沒踰年始知之作哀詞

一會城南廢唱喁戊寅同游城南 敬身成詩九章再臨壟石絕追趨壬午來會 葬於先壟老來龍性心

交盡丙後雕章手輯無有圖章曰硯林丙 後之作謂失火也金薤琳瑯虛宿諾所居室曰金薤琳瑯之室屬余以行

書題額迄 今未就茅柴斧木念遺孤近始 買宅卅年蘭佩相看在淚落天邊舊酒徒

三月一日謁方太保歸感

恩述事恭紀

彈事當年削籍行此生心迹敢求明忽傳

天上哀矜語感極何知哭失聲

兩秋勸講侍 經筵夢斷瑤臺十六年見說

九重稱學問白頭榮遇過升僊

內直空辜

主眷優自罹痕癢尚蒙麻尋思罔極靡由報惟望經生行各脩

簪筆中禱總

國恩白誣寧忍謝私門旅中話舊如前世細小兒郎老弟舅

和制府方公塗中記所見二首

耕者用牛馬驢同曳一犁

扶犁紛冀北牧畜溢江南流汗勞胥任翻蹄蹇亦諳同槽因結轡騰

駕比加驂那得牛衣卧花村晚更探易林升之小畜牛驥同槽 賈誼 弔屈原文騰駕罷牛驂蹇驢兮

推車植布為帆

道上羊頭出輕如鴨背行塵先一帆颺步逐片雲橫度影成旗岸弄

音官柳程乘風獨無恙從不急湍驚獨輪車曰羊頭車張文 潛詩羊頭車子毛布囊

題故友黃松石負骸圖

先子昔以園名舩築臺更起青梧巔先高祖然明先生於天啟初作湖舩曰不繫園 黃貞父先生有十二宜九忌之約又家有碧臺

乃黃公所題滄浪道人我先友園榜宜忌臺題扁風流銷歇踰百年獨敦夙

好五世沿孫枝秀出松石間奇才尤有至性傳憶自賢尊容右輔君  
侍北堂奉大姥凶耗驚從嘗藥聞奔喪痛忍愆期舉僅免桑林縛草  
求畧如滲骨經旬取血指流離跣足瘡行役負骸墳負土同時競說  
翁道州翁晉公運標仕至道州牧尋親萬里新塘洲君與浙東西比跡或出或處皆  
千秋我思合傳兩孝行道州亡來失考訂此圖都門早見之未敢輕  
題目空瞪哲嗣緘圖此再經今子大易成埃豈殊前保定滿幅波為滿地  
塵相對淒其朔風勁轉頭卅載老摧頽擊涕成吟繼七哀先人綺詠續集中有哭黃公詩  
七斯事斯人嗟不見白雲望斷小蓬萊小蓬萊在雷峰塔側貞父先生讀書處也元史史彥斌母極為水漂彥斌縛草人置水中曰假此芻靈指示母棺行三百餘里草人忽止視桑林中母極在焉舊唐書博州聊城人王少元父死於兵少元求屍以葬時白骨蔽野無由可辨或曰以子血濡父骨即入焉少元刺體試之經旬日竟得父骸

哭相兒

邪氣攻中勢欲摧最憐臨絕首頻回平生歷盡傷心事垂老重教哭  
阿崔

更無坐膝挽鬚時瓦狗泥車觸目悲好向龍堂依阿母他年湖上共

埋屍

暫居城南龍王廟亡荆極旁

合眼分明與笑嬉陡驚短夢似聞啼情知夢裡因緣好可奈無眠夢  
不迷

頻煩入唁降高軒共道彭殤有數存多謝公云吾亦曉率然顧影又  
銷魂

姆保號咷送遠坵數宵漸淡漸夷由感懷身世常蒙袂一老心酸淚  
獨流

額無生骨眼無精相法知難望晚成不過慰情聊送老那期病叟送  
嬌嬰

雖未成丁巳是中自從黃小病相攻年年醫藥真應悔不藥中醫倘

見功

唐制民始生為黃四歲為小六為中與隋制異

廿六年前哭母辰茲辰臨奠忽亡孫塵寰忍近蒲觴節弔在堂階賀



在門

人事紛紜亦忘哀事過人靜復悲來早知庭樹緣終斷爭似無緣本  
不栽

蓼蓼莪蒿賦壯年晚吟遺挂旅墻邊天教身具孤鰥獨何必逃禪始  
悟禪

五世遷杭宗子身先門風範寄斯文苦心經史書填篋傳亦無徒只  
可焚

蠲忿忘憂載寫圖圖成憂忿一時俱料應花樹難消恨甚楚無知好  
是無

友人先後為余寫照並取  
合歡蠲忿萱草忘憂之意

平頭六十鬢如絲子舍親闈住孰宜子爾此身輕落葉更休營辦草  
堂貲

### 湖墅忠天廟畫壁歌

陸二起潛之曾祖少徵先生諱瀚家湖  
墅嘗於忠天廟壁畫諸天像起潛有詩

忠天廟壁畫兩堵梁陳寺跡陸整同威容寶相惜未覩懷古有作知

神工方擬還廬急過訪奈聞皴裂非舊蹤文孫唱和詩盈軸薛公章

侯名僅錄天王端合繼溫奇起潛畫  
有家法部從底須煩景朴重裝補繪猶後

來但誦君歌已膺服却思廟貌號忠天越公祀接烏聊山瑞石叢祠

會正月我尚及預今闕然吳山大觀臺下有越國公廟每逢正月  
十八日生辰族眾會飲於此今廢久矣少壯幾何人事

改豈獨丹青易銷彩還君詩軸和君歌所難不朽聲常在江寧梁何后寺  
江都陳逮善寺

並有陸整畫見唐裴孝源真觀公私畫史 蜀中薛稷畫雀  
韋偃畫馬至宋黃休復作益州名畫錄時並有名無畫矣

### 六十初度

五十無聞又十春杖鄉年在異鄉身頭今白似遠東衣尚黃遮冀

北塵落落諸侯老賓客遙遙天上謫仙人琉璃硯水全枯槁曲學還

蒙鑒 紫宸

五霜先壘別湖堦河朔移家向此間牛老那無身傍憤魚枯豈但目

成鰥剩存棣萼相依藉幸得芙蓉共往還自荷花館  
移蓮花池百感盡消書一束

箋經猶日手增刪近年著有觀象居易傳箋詩四家故訓春秋三傳注解補正孝經  
約義語孟疏注辨異文選補學權輿等將次第成書

贈序

乾隆三十一年律中黃鍾之月同里汪君上湖年屆六十里中親舊以余向受業毅亭先生之門識君垂髫之歲相知最深先期乞爲介壽之詞余惟君學博而才高久已著聞朝野矣且是未足概其生平若乃矜節卓行在他人所不能爲而確然行之無疑者約有數事乾隆改元君方以才名經掌院伯相張公少宰邵公奏直起居注記注之有協修從此始君入直纔數月一日聞母病乞假歸假滿不出其後再丁艱服闋起復而離館閣者且十年大司寇張文敏公耳君名欲致門下時司寇爲

武英殿總裁疏薦校勘經史君承

詔任事而未嘗一詰司寇邸第黃君松石者君之世交也下榻司寇所間過君寓備道司寇愛才若渴而何可不一謁謝乎君唯唯亦終不一往其自湘中降調再至都下也相國忠勇公薦入

本廠京樣

上書房由講席復任館職故事保舉者稱舉主事以師禮君曰古人譏拜爵公朝而謝恩私門者公賢者我何得循俗例以薄待公也削籍後客遊畿輔制府方太保公延主會城蓮花池講席會奉旨查核天下書院院長制府欲因覆奏薦之君以早衰多病固辭後制府入覲奏對畧如君言

上猶記憶以學問好稱之君聞而感涕作詩四章記其事凡此皆有闕出處進退之大端他如孝友之習稱於宗族鄉黨者固無待余言也君少以文名四方中年以後一意窮經諸經皆有著述於易尤邃而賦詩爲最工夫君固自有其不朽者在矣卽書是以爲君壽可矣同里孫灝撰

上湖紀歲詩編卷第四

上湖詩紀續編目錄

前編自二十七歲至六十歲續編自六十一歲至六十八歲

乾隆丁亥 六十一歲

送袁圖南明府告休還寶應 壽省三弟六十次韻 二首

聞質夫北行志感 二首 雜述 四首 題畫 題良園雜詠

并序

戊子 六十二歲

社日池上 吳山金石兩像歌 并序 題唐子畏畫 太保

峯 并序 題徐友竹摹文五峯夏山長卷用畊漁軒集中

詩韻 後鳳尾研歌 次韻和楊督相文安勘城工作

小年 并序 題鍾馗醉睡圖

己丑 六十三歲

開館自述 客傳金門近狀 牡丹 晚步 早起 周君

寄贈石鼓文拓本并序 緬甸旋師 四首

庚寅 六十四歲

遙奠傅謹齋副憲 雨後 題南普行省舊贈大方研 始

雪憶金門將歸 和東坡餽歲別歲守歲詩韻 三首

辛卯 六十五歲

雜詩 四首 盆菊 良宵 次韻和方子野 友贈宋揚汝

帖 至後寒甚為友題荷淨納涼圖

壬辰 六十六歲

蓮池十二雀歌 李柯亭惠鰻魚 送陸筱飲南歸 四首

示畫師 輓金門太守 輓堇浦先生 擬樂府次韻 雪

後憶舍弟浞河 先友篇為張烈母作寄耘塍孝廉

癸巳 六十七歲

卽事答所知 遙哭陽谷通守

命午 六十八歲

蓮池書院奉

頒欽定重刻淳化閣帖一部恭紀 南歸有期留別蓮西諸友 二首

並蒂蓮 二首 并序

上湖詩紀續編

錢塘 汪師韓 韓門

乾隆丁亥 六十一歲

送袁圖南明府告休還寶應

何以知循吏去國民重留何以知墨吏下車民已愁我昔友袁君淮

海聲相求君於嚴陳間嚴區甫吉士陳敦來觀察時皆諸生高談冠鴻疇其後聚京邑孰為

君蹇脩耗入仕塗職辦殊優優戊寅宰臨榆我始河朔遊但傳關

塞聲無書達遠郵音問自蓮幕命申在保定始通問會合從荷禡丙戌初夏相見於蓮花池陳闊

王事餘倉猝辭保州先冬舉最期屆期大計通章俄乞休筋力正柔強洩

去奚因由既弗務筐篋便可事鋤耰寒風結連氛客來孤竹坵言君

初解官比屋攀行軻文士刊碑銘田夫供膳饁似聞近百載無人比

清猷縱未致鳳凰定異憎鶴鶴憶昨小廣平李尉儒家流廣平尉李心正號耻齋山陰人

肉食庶其私幹局翻見詵遂令佩黃綬不如衣青鞵當其以疾告婦

濡涕莫收君今亦如之直道寧謬悠九年兩畿郡載見挽鄧攸世眼  
逐顯晦民心辨薰猶君看折轅車焉用清路騶此去張吳帆清江必  
維舟尋思舊壇坫一瞬四十秋老友存幾人間訊及我否我歸在改  
歲訪君射陂頭

去年省三弟自淄川寄詩二章爲余壽弟今年亦六旬次韻

酬之

清望遙遙遡德門風流應不替初筮授徒爾亦慙凡音毓寄寓人休  
擬謝鯤兩地有詩相寄遠齊年安事互推尊惟珍一語和而介來書

老我棠花歲歲繁

晉書孝友傳范毓不蓄門人又謝鯤傳鯤爲左將軍長史不親政事優游寄寓卒歲而已

作朋爲壽各僑居一別征顏五載餘飛鳥依人應偶爾童蒙求我竟  
何如客中孰設南烹宴書裏曾邀北轍車未日歸哉言觀止春星隨

處照吾廬

先高祖然明先生始遷錢塘董思白爲題其堂曰春星堂

聞質夫北行闕爲面別率成一詩以誌懷舊之感不必寄質

夫也

謫居尙是稱臺長成政猶堪効塞垣悔以積愆成載跌勉爲晚蓋答  
深恩九重德大無終棄萬里生還有數存檄下蒼惶騎馬去秋風  
吹鬢出關門

早寒關外雪霜摧家忘休論第幾臺執爨婦原常禮佛負薪兒已遠  
提孩更毋感物長吟作也莫懷人短牘裁靜息二周猶一瞬石函牽  
艇待君來

雜述

家無一稜田田園復何憶所憶湖水濱遐阡連邇陌西風原上來搖  
漾黃雲色有秋衆言歡吾亦易飽食何必畝南東一一爲我得堤上  
尋酒罇柳下釣新鯽此興極不忘嗟哉十年客

病喘不能寐披衣常徹宵靜極翻百憂好夢難可要遠聞雁嗷嗷近  
覺風蕭蕭此時劔佩儔因公集城壕月地一何潔霜林一何高踈慵

以閒廢知足愁漸消燈燼看窗紙喜微欲詰朝

安肅菜如玉黃芽白籠鬆北蔬品無上廣蓄支三冬忽憶故園笋割

鮮四序供味以澁而腴矯矯君子風闊別今十年飽飲輸山農南帆

競冬載乾腊價枉崇奚翅市駿骨虛名竟何庸

所居近積水夏溽冬尚濡家人苦陰翳競欲新其居湫隘疾易生爽

塏病豈無不見舊僑人廿載何樂胥張國子冰璜住此二十年曷觀東隣僧土木寧

安軀葯根上人於蓮池慈幢精舍新構東軒住不踰年遽爾物故敞廬在南中較此尤拘墟退守縮屋貧來

年我歸歟

題畫

馬上檐榆隴上風琵琶聲裏見驚鴻早知千古傳丹粉不用當年怨

畫工

題良園雜詠并序

西顥兄以所作良園雜詠二十首寄質夫於津門蓋寫其里居閒適

之趣也質夫函以寄余未及封還而質夫北去暇日展誦不禁愉戚

交至焉

一箋詩展見遊遨千里音沈想鬱陶增病亦留治病藥平分客感笑

號咷

戊子六十二歲

社日池上

雨晴逢燕社池漲涉鳧翁落長蘂宮徑藥根樹搖花信風時方補栽花樹竟何

人見志可有物治聾時患耳鳴遠道縣縣思幽篁薄霧籠漢書陳平之志見於社下

吳山金石兩像歌并序

樊榭山房有詠吳山麻曷葛刺佛及鐵四太尉二詩余考麻曷葛刺

譯言歡喜亦名馬哈吃刺佛見元史泰定帝紀亦名摩訶葛刺佛見

膽巴傳其象備諸醜穢是以成宗伯岳吾后於萬寧寺見之以手帕

蒙面而過方技劉元所為西番佛像多秘人罕得見者至明初大善

佛殿梁上塑此像嘉靖時毀之今寶成寺所鑿應是當時人聞是佛號遂以稱之而實非也元阿合馬置神座於二熟人皮上明史西番僧取荒塚頂骨為數珠鬮體為法盃石像猶此意耳鐵四太尉雖據凌雲翰疏証為重鑄而未詳所始考宋顯仁后當高宗出使時有小妾見四金鉞人執刀劍以衛后知陰助及北遷歸立四聖延祥觀於西湖上乾道臨安志及西湖游覽志所載畧同四太尉當即四聖民間以其能禦災患祀之吳山未可知也樊榭先生沒於壬申恨無從獻疑請正聊賦七言識之

南湖徵君性疎朗弔古偏搜獍惡象遂令金石胥山岡鐵幢白塔同

奇賞土馬當年馳金介何人刀劍蠹香鏤珠綴返宣和民亦銘

金競祈福石巖遺刻尤怖人啗人剝取皮作網穿珠捧盃作吻吮喇

作佛事吹人骨以為樂器那似秘戲通網緝寶成寺尙劓痕在延祥園經再三改徵

君逝矣孰質疑姑妄言之從懺悔宋史后妃傳章賢妃從上皇北遷高宗即位遙尊為宣和皇后

題唐子畏畫

面面雲山欲逼真無多茅屋樹為隣青衫白髮桃花塢潦倒明時有此人

太保峯并序

孟夏同人遊靈雨寺沿池西陂有石高丈許篆刻太保峯三字後有款云兩人

吳郡顧願為先師鄭襄敏公題萬歷命辰夏日考太保者安肅鄭洛字禹秀號範溪嘉靖丙辰進士

累官兵部尙書萬歷十八年經畧山陝七鎮有戰功陳收番六利越

二年謝病歸家居九年卒贈太保事詳明史及馮文敏琦所撰墓志

此石刻於萬歷三十二年卒後五年所居黑山里築惠養園石豈

其園中物耶

漣漪一曲見峻嶒水中有亭近年乃移城內臨漪亭名各之題篆從知徙遂城六利番防籌闡

帥卅年威望表門生峯飛已遠論功日翠積還深愛古情正遇師干

歌采芑藥欄遙映柳邊營寺後為南征兵弁止宿處



題徐友竹摹文五峯夏山長卷用其先人良輔廣文畊漁軒  
與倪雲林高青邱諸公唱和詩韻

夏山圖丈六展對當麥秋久柅河朔車倏見江南舟言撫五峯格遠  
追四源流濃陰好村落行住心咸休延緣度河濬長橋俯芳洲逢迎  
多老成并杖時交頭何必招提境始證聞思修琴德靜悄悄自足仁  
智求隴上耕人唱澤畔漁父遊與君生江鄉卽景天子優員誰驅我  
出緇塵此遲留君家畊漁軒金蘭結綢繆我欲賦應嘉兼之唵遂幽

金蘭集有諸公  
題遂幽軒詩

奉卷蓮宇行涼風滿池樓

時同寓蓮花池 張丑清河書畫舫云董元宰  
好北苑畫前後收得四本以四源名其堂按董

源南唐北苑使宣和畫譜作董元 陸  
士衡集有應嘉賦謂應嘉遜賦也

### 後鳳尾研歌

卅年前上金鑿坡故人贈研我作歌卅年後作諸侯客新銘續製舊  
銘刻臣之壯也今已老中蹈險巇歷起倒回頭事事自知非獨有文  
章粗見道直廬妄擬同署銜

余嘗題竹垞先生集有長直有  
廬分左右則銜慚愧與向之句

暮塗亦屢披征衫

握槩橐筆兼匣硯都講河朔連畿南織纒旅翻原非鳳燕雀喧啾鸞  
鳩控若教翼整健磨蒼那能點校書充棟竹垞篋藏無一存龍泓化  
去經幾春潦倒天邊笑獨叟忘羈翻藉墨磨人

### 次韻和楊督相勘估文安城工作

畿南九河會澱滌縈流湍其間趙夔城四面波光團眾派注猶釜長  
隄護如巒台輔總嶽瀆百城仰躬桓將興繕完利先藉籌畫寬牙幢  
列騶從攬轡當嚴寒是時風雪霽瓊砌鋪瀟漫遂巡瀛郭野樓堞見  
噴岼北暎澆涓冰南靜滹沱瀾飢黎已屬饜飽德遍陵灘

時以被  
水賑恤

大田

踰有秋崇墉旋改觀遙知板幹立真作金湯看儲材量規則陳疏  
天心歡詩歌仲山甫築城鏘八鸞保衡今召公鎮撫起凋殘肇域彼

四海都民胥乂安

### 小年 并序

桐城風俗以臘月二十四日爲小年自癸未來保陽凡節署小年之

讌無不與今遇茲辰而恪敏公之亡已百二十日矣撫時感舊悽愴成篇

年華入手隙駒馳式燕賓誰誦又思醉醒較量腹臘異春秋難遣蟪蛄知桃符從俗更新易羽葆還鄉覓耗遲街巷紛紛人媚竈俗以是日祀竈

柴爆竹夜何其莊子蟪蛄不知春秋此小年也任昉蕭子良行狀給羽葆鼓吹挽歌二部文選注引漢書韓延壽傳植羽葆鼓車歌車張晏曰羽葆幢也服虔曰如今鼓吹歌車也按今顏注漢書不載此一注

題鍾馗醉睡圖

寫地獄相長安吳能令兩市無屠沽故襮貌得痞神圖跂足入夢傳益都紛紛鬪勝趙與蒲辟邪孰遣成酒徒將毋嫁妹回柴車不然移家息蹇驢柳陰操瓢挈瓶壺陶然解衣酣大酺索索矍矍雙醜奴番休掌扇搖巴且涼風颼颼動虬鬚蟲蚋那得嘜慢膚肉山欲倒力撐扶似聞雄哮出鼾呼南方午日薦蒲菹北方元辰障桃符競祈撫劔嚇夔魘此渴睡漢曷取諸人心有鬼不勝誅君定無術為剪除一覺

付之夢蘧蘧墮墮聰黜明樂莫如益州名畫錄趙忠義蒲師訓俱畫鍾馗指劍鬼睛筆力相似惟一指不同

已丑六十三歲

開館自述

通籍未及壯削籍甫踰強每出淹三年邈如覺身妨小人實經經一再絀彈章從此辭承明漂泊十九霜憶當痕癢始死灰然豈忘因文漸聞道重以閱歷長遂令在朔睡安之若滄江讀書案兩肘鈔書研一方緣情或搦管一掃連數行稿脫旋內疚急毀篋不藏心知力耕好筋力奈羸疴抗顏應蒙求去住挈巾箱譽咎聽叢集温飽幸畢生闔扉自灑掃間出行池塘時務罕見聞耳目從聾盲東作恤委積南征建太常賢舍於城中生徒方裹糧

客傳金門近狀

快雪時晴府一灣索居誰此叩柴關客來萸折飄零後春在冰斯斷續間花好不教名品識塞外花不知名蘊空直到語言剛聞金門欲注金剛經中止縱然督趣

非真信話及回車亦解顏

牡丹

今人花是去人栽人自迢遙花自開甚合與花澆一盞風塵那得種人來

晚步

一旬霖雨換晴光晚步秋園過柳塘城市最難閒有伴茶瓜焉用醉  
爲鄉墻頭月沒星教替井上桃生李代僵卽日豈勝成坐嘆敗荷留  
葉自餘香

早起

五更街鼓歇一壁砌蟲呻顛顛星含譽悠悠夜向晨老資筇竹拄涼  
薄楚蘭初灑掃申僮約應憎不寐人

周君寄贈石鼓文拓本并序

往据竹垞先生石鼓考作說以示友人國錄周君鍾阜復自京師以

拓本見寄審視其文則較竹垞所考又闕一百三十七字矣石鼓自  
金馬定國辨爲宇文周時未詳何代姚寬殘話及焦紘筆乘以大統  
保定時事合之疑皆未當周武儉朴校兵閱武步履勤苦何此獨夸  
耀其事史稱建元二年皇太子贊撫巡西土於岐州獲二白鹿以獻  
詔曰在德不在瑞今考鼓文言及鹿者有六有曰我鹿允異非謂瑞  
應乎宣帝窮極奢侈雖於卽位之始卽傳位太子衍而自稱天元皇  
帝其文或補刻於大象中故天子與嗣王連及也余舊臆說如此安  
得馬氏之辨猶存與爲証其同異哉說在文部此不具錄

陳倉石鼓埋荒野韓公作歌欲淚灑鳳翔石鼓移學宮蘇公弔古稱  
天工時緣榮悴生感喟不似後儒徒藻績獨何根据信周宣降及先  
秦復西魏大統保定西狩三春巡皇嗣詔旨銜齊原雉兗漁鰓鯉我  
鹿允異嘉祥占官制周官誥周誥詩樞羣雅廷臣諳天子嗣王語連  
及在德曷使諛詞劓倘自天元大象日補述旌旒夸驂驪遺文軼事

窮咨訪野史亭書宜不妄可惜齋堂文不傳口縱懸河和無唱我昔  
釋褐曾細觀恨未椎拓加裝潢卅七年始見墨摹漫漶滋多坐怙悵  
因之博考復微吟懷抱廓然觀古今正深采芑新田意別紀叢談付  
學林

緬甸旋師

通蠻孰識古朱波城緬初傳阿瓦河獍吠但於羣狗似掣飛其奈此  
鷹何探湯水熱金生燄犯瘴雲迷馬當騾禹迹三危荒服外驢兒豬  
女罪無苛方輿紀要緬在漢為揮在唐為驃新唐書驃古朱波也元史始有緬傳明史始有阿瓦之名別有詳考在說部元史賀天爵上言緬中部落之人猶羣狗耳明主司孟養傳倫索指鷹曰我曹猶此鷹奪得土地即管食之耳華陽國志博南州蘭滄水有金沙以火融之為黃金明沐璘詩阿瓦城河沸似湯南中產馬世稱西馬子孟養馬矮如騾楊升庵雪山詩選証三危山在麗江

憶自齊公領霸都廟堂詩裏恨狂夫八關金齒重開壁三道邦牙迭  
啟塗相印腰懸揚纛進白衣膽落曳兵趨蠡屯纔是飛連弩信塔星  
馳葉展蒲元張禧子宏綱征八百媳婦戰沒贈齊郡公元文類載虞伯生萬戶張公廟堂詩曰狂夫忌之又曰狂罪則誅狂夫謂高慶及察罕不花以不為救援伏誅也騰衝設八關

見明史 入綱有三道見元史 時以蒲葉書來乞罷兵

勁旅龍沙選索倫欵投鬼窟願披榛捷騰郭緒乘泥淖義激方瑛過  
土窰射隼先聲河北砦釜魚殘息海西人攀枝花地欣傳檄蠻落來

威罷戍申索倫本名索我羅在黑龍江之南拖心河之北地分八圍兵最强前此平金川平準夷所向克敵明地理志孟養有鬼窟山郭緒諭服孟密木邦方瑛從王驥平麓川並見明史傳忽都衝河北軍見元史後漢書注應劭曰揮國使者自言海西人地與海西大秦國相隣緬地有攀枝花明劉綎鄧子龍大破緬於攀枝花地後遂以為地名

象楯蛇船習險巖塗香披瓊俗兜離井收地寶誠焉用橋倚天生枉

自奇百戲漫陳揮檀國樂七擒難考武侯碑江枯石爛無違誓克壯

謀猷在審時毛大可靈司合誌孟密獨寶井多利天生橋見明史蜀督朱燮元邊安効良議後漢書陳禪傳永寧元年揮國主獻樂及幻人明年元會作之於庭陸氏滇記

諸葛武侯擒孟獲於普坎立碑紀績王驥立石金沙江曰石爛江枯爾乃得渡

庚寅 六十四歲

遙奠傳謹齋副憲

零落晨星剩有君廿年契闊惠書頻世因章奏知丰采道在經墳見  
討論久托雲棲身再顯君自奉天府丞降調在籍十餘載自都風憲學逾醇八摑輿亦多

遊舊終始誰如一味真南齊江夏王乘八搨輿

雨後

何處蝶生暑雨餘泥深門巷少停車補茅濕共垣衣落蕪木微難几  
簞除塗舊自鈔山長集裝新友畫水村居羈孤別有紛然事隔院笙  
歌不羨渠明周致堯有山長集

題南普行省舊贈大方研

硯與周旋久看來古直多水坑材爾許山骨性如何重是故人贈方  
為勞者歌肯令胡旦輩斲刻事研磨

始雪憶金門將歸

一昔冰生水無風氣作威代雲常漠漠空雪乍霏霏旅服蒙茸怯村  
酤郁烈微不知還幾日歸信達寒扉

和東坡餽歲別歲守歲詩韻

筐筥餉殘年親串逮賔佐雜魚雜果蔬將敬匪贖貨風氣日趨華積

小以高大計值準錢刀經營不遑卧傾囊比償逋幸獨在公座營營  
里巷間蠕蠕蟻走磨免俗雖未能從樸尚無過我亦田間人古風宜  
可和 餽歲

青紅歡幼小黃垢愁衰遲彈指即來歲去日安能追代謝自終古圓  
靈本無涯由人見離合所見各因時但懼老可憎焉知遜固肥歲不  
與我別我何為歲悲哉悲會有道曠達乃浮辭古云人不學所以老  
而衰 別歲

候既變鷓蟀時方蟄龍蛇彼歲何所之可以人力遮嗟我耄且瞶欲  
守如冷何俗掃隔年地陋室紛謹譁誰家發高興爆響連鼓擗夜半  
歲已更顧視燭影斜迎春況成旬履泰母蹉跎老筆尚健在詩成對

客誇 守歲

辛卯 六十五歲

雜詩

古人貴淡忘今人賞機智偶見落拓人衆目交愕哈亦有相勸言似  
君材莫比枉尺而直尋苟進定得志胡爲守拙艱衡門鎮長閉聞之  
欲往從羸沒起痕癢惜哉病未能多謝丁寧意

嘗誦田間詩錢飲光集力田勝讀書我匪薄躬耕所傷一畝無顛連不釋

卷子姓笑我愚紛紛逐厚利各各求良圖身價幕寮貴倍徒商賈趨  
頻年竟何成無聊更鈔胥老大悔已晚勿悞吾家駒

故人書遠投傾否出榆塞學道經幾年所得宜有在憑危守枯株就  
安希藻續人情別衰榮君子一顯晦我有一尊酒期君良宴會出君  
新著書疑義共澄汰朝聞斯爲難相期保節概

止酒已多歲罇燥塵埃生近復病脾磨竈冷茶不烹一盃脫粟飯食

飽捫腹行誠奉陶隱居交絕杜仲寧豈其錄金絲少時嘗爲烟草輯金絲錄欲廢焦

陸經關心在藥裏難附高士名嗜好獨及此小人固硜硜王著有與杜康絕交書見

文選魏武詩注

### 盆菊

菊有黃花及此時盆盛休說傲霜枝紛紛論價街頭賣孰向南村護  
短籬

蕭蕭黃葉下階除歷亂隨風漸合污猶有更生能不落自甘蕉萃守

枯株鄉孃記引金剛鑽云菊名更生花  
埤雅云菊草鞠而不落故名菊

### 良宵

牆上參橫月未來良宵如畫百層關羣遊憇觀燈約獨客龍鍾曳  
杖回天尙無風冰欲結我因久病老逾頽歌樓想見香烟合門外車  
行響似雷

### 次韻和方子野

赤畿多贊府冰玉似君稀年未許丞老材寧張令違幹臣加御帶循  
更借緋衣兩忘榮枯迹哦詩獨掩扉唐張柬之仕始青城丞歷位至中書令  
宋官制有緋帶御器械者其先名御帶以武幹親信

者爲之其後外任  
或於銜內帶行

友贈宋楊汝帖

汝刻於諸帖紛紜割綴蹤溯年稽大觀備體見中鋒坐嘯人何有心  
摹力不從惟應欽古意淨几配黃龍竹垞說硯云端溪水巖石黃氣其土若虹  
謂之黃龍余近得此硯數十年來罕見者也

至後寒甚為友題荷淨納涼圖

昨宵風緊天模糊霰飛欲作密雪鋪風狂夜半凍雲散曉起坐展池  
荷圖涼颺徐來木漸落珍重林亭醜極杓乘涼好是未寒時到及互  
寒無此樂

壬辰 六十六歲

蓮池十二雀歌

昔向洞庭湖上遊仰看雙雀雲際浮高歌一曲和仙侶轉盼幾及三  
十秋昔年過洞庭湖見雙雀  
賦詩一時和者甚衆春和園中擊經筵庭雀短篇聊興寄有詩在  
第三卷今旅  
于處雞距灣縞衣三見迎儒肆亭臯清唳聞七年如經蜀殿夸黃筓  
續來蓬閩數且倍圓舊有六雀  
今又益以六更踰薛稷圖通泉吾聞晝夜鳴中律竟

可分配鍾呂旋巫峯一一列成柴南極炯炯符星躔豈不池臺供燕  
喜離合人生歎猶是霜毛雖共掩雲羅後日榮衰各遷徙孰從衛國  
乘軒行帶箭亦有徐佐卿或與真靈作騏驥或隨隱者巢西冷崎嶇  
世變難逆觀眼底亟聚寧忘情冲天控地兩不喻喜囀悲啼何重輕  
黃筓為蜀主孟昶畫雀於偏殿目為六雀殿見益州名畫錄 薛稷圖十二雀於通泉縣署壁杜少陵  
有詩 雀晝夜十二鳴中律見相雀經 南極有雀屋十二古人未見者見梅定九探日候星紀要

李柯亭惠鰻魚

無魚彈鋏日高歌白腹欣從鯉澱過久闕南烹徵指動頓開北酒忘  
顏醅余以病  
止酒箋經應為鰻鱓補說劔焉知漫理訛珍重故人今日餉盤  
餐明日問如何爾雅鰻鱓郭注未詳鄭雅箋注謂即今之鰻魚也 吳越春秋干將莫邪之劔  
陽作龜文陰作漫理吳地記曰干將龜文莫邪鰻文可知漫理乃鰻鯉之訛也

送陸筱飲南歸

今年夏暑雨嬰疾無樂方流隸寡結託俗情况炎涼落落雲霞交往  
往聚不長君來輪恹欸時一對舉觴酣縱脫諱禁討測及文章生客  
罔與聞高興寓感忘秋氣忽僚慄聞君理還裝

瀕行寫北郭贈我可遊圖圖冊子見贈君住荷竹間列列君子徒未幅寫

露草堂君所居也繁燈隔河塘小艇迎外湖窰頭言采菱橋上觀罾魚鷺炙世

希有生酒味列如僻不類深山市乃雜樵漁願學冲晦隱便移句曲

居從君樂莫樂訪舟棹城隅南宋市肆記作坊有燒炕鷺鴨市食有炙雞鴨按詩傳炕火曰炙今杭之燒鷺天下所無始是南宋遺法

我歸十載前已無國黃耆輩旅猶若林今復十亡九歸然數公存吁

嗟乎別久槐塘篤門宗族兄桂堂兼師友杭丈於君皆素心闕積喜

捉手恨我少不學得少妄自負垂老漸讀書始知胸罕有後會炳燭

行朝聞冀都授種酉切

漕路我舊諳彌月程難破秋溪多北風蓬窻愜便坐媿嬰抱繡綉綺

袞藉羅襪攢篙聞壁撐振舵河灣過金焦席影偏平江櫓聲悞遙想

敬關來湯餅媼亞賀南州春色吟唐張謂春一曲誰當和

示畫師

肯貌尋常行路人丹青差可不愁貧祇今骨相誰褒鄂俗眼安知画

有神

輓金門太守

童稚交存爾汝身計書驚捧自天津竟辜旋役同編易君在塞外注易纒決歸

期遽返真君定於十月南歸竟不及宦跡更番性無改官評一再死為鄰猶看曳紱

圖遺像賞給冠帶老友臨喪感涕頻

輓董浦先生先生昔覽余詩嘗惜稿中無與先生訓贈之作而余驕避日久此願終辜今聞溢逝追感其意以述哀

詞場早自束修初橋路東西若比閭五十年來塵外賞三千里外衷

中書猶龍我顧風雲上上聲畫虎人求炳蔚如大德有閑何論細多才

潦倒不麤疎

擬樂府次韻

少日矜顏色華年惜棄捐寧歌妾薄命不唱望夫憐

雪後憶舍弟代友于役淀河

踏路侵深雪拖牀壓壯冰晚來河曲住蘆屋閃風燈



先友篇為張烈母作寄令孫耘膝孝廉

先友昔有張孝廉

諱四維字忍齋

文章無價命不延孝廉死名婦死烈

孝廉辛丑會試病沒

京師夫人劉氏

如樹甫茂遭摧殘時同年契金與厲

長孺樊榭兩先生

金請擬傳師

臨川穆堂夫子先生

臨川文鉅事則畧厲復有傳詳考旋詎料日久詳者

失高情獨有臨川傳繫我先君亦同譜先生我識童稚年雖未升堂

拜母範習聞遺烈心知賢今欲為母補家傳所恨筆弱非修椽逢迎

文孫沈水上感時談舊涕泗漣自古至行自不朽生前榮悴浮雲然

伏經班史澤長在蘇孫韓祖名相沿期君承家志無忝六鰲一鈞猶

俗觀

癸巳

六十七歲

卽事答所知

名賤焉知記九重感深薄福負遭逢四民窮有孤鰥獨廿載閒無

悔吝凶銷骨毀成醒昨夢眊眊病起益哀容

三月左目失明

相臨隍水堪津逮

洵儂空懷獻賦從

遙哭賜谷通守

族姪賜谷諱時任四川潼川府通判從征大小金川死難於瑪瑙寺

征塗一飯話秋池

去年十月道經保定

遠道音沈半載期分守梓潼寒始凝從軍

美諾

金川地名

暑惟咨庸臣誤國

王師潰

聖主推

恩卹典垂忠鬼三千君更苦小人有母況無兒

命午 六十八歲

蓮池書院奉

頒欽定重刻淳化閣帖一部恭紀

七言古體四十八句

太平興國購書蹟淳化釐訂奉敕鑄紙拓澄心墨歛墨位進兩府廼

獲頒歐陽集古熙寧前初搨欲得時已難石本板本辨保大祖刻翻

刻疑昇元知微輕畀禁闕任希白詎聞御幄宣誇潭譽絳枉推許米

跋黃論爭譏彈摹舊猶罕致國學借搨孰與分親賢考異遞及顧從

義正誤初命龍大淵求真并少雪花夾信偽競作銀鋌櫃顯晦緜歷

八百年由淳化三年至今凡七百八十二年

詔出秘寶雕琅玕中外拜錫遍槐棘下逮儒肆邀

賞延黃封踞捧裝潢備叩頭祗領開瑤編舊傳海內第一部佳妙無

過畢士安今知翠琰卽此是廻廊藻耀 長春園 寓名蘊古冠

義畫記事別 題淳化軒淳化軒以藏石而名在長春園中舍經堂後廻廊砌石乃蘊古齋舊基也首卷前有御書寓名蘊古四大字

移改增削歸至當舊本訛誤皆為改正釋文疑似窮磨研採諸家釋文依字旁注每卷俱有釋文訂異卷卷篆

有列宿懸每卷後有篆書乾隆三十四年歲在己丑春二月奉教校正宋淳化閣帖初榻摸勒上石凡二十八字平緬之歲工告竣特明

游藝匪關治大哉

睿製標微言御製詩曰並置書軒茲數典非關治道彼稱賢時以畢士安原本亦弄軒中此帖臣曾見數種形模雖具

神弗完南北所見宋後摹本不一早從王澐識諸帖考正一帙邗上刊王澐撰閣帖考正十二卷雍正庚戌

刻於江都臣昔年少今已老忽驚紫字探娜嬛龍鸞飛騰映晴旭穗薤披

拂縈祥烟所惜衰老理歸棹水黑終乏臨池綠何似前脩願為蠹常

遊玉躩金題間宋自太平興國中詔訪墨蹟諸州進獻歷雍熙端拱至淳化三年命翰林侍書王著叙正諸帖釐爲十卷名淳化秘閣法帖按著字知微宋以中書爲相樞

密爲將謂之兩府 陸友仁那侗俱以南唐昇元二年帖爲閣帖之祖劉跋復以閣帖爲卽南唐保大帖增成十卷按昇元乃烈祖李昇保大乃元宗李景之年號也 輟耕錄謂仁宗嘗詔僧希白刻石於秘閣其事無可考証 蘇軾謂潭帖有晉人風度比淳化爲勝王佐曹士免俱謂絳帖次於閣帖 米芾有法帖題跋黃伯思有法帖刊誤 南宋紹興中以淳化舊帖刻板置國子監 哲宗元祐中親賢宅從禁中借板墨百本分遺宮僚世謂二王府帖二王者魏王也 宋劉次莊於元祐間作釋文建中靖國間劉燾續之至明嘉靖時顧汝和作釋文乃爲詳到 徽宗以淳化標題多誤大觀中出內府墨蹟命龍大淵等更定然其所較正不過十之一二耳 朱彝尊書閣帖夾雪本後云其以夾雪者蠹食其墨以素紙裝之若六花散於几席乃賜本之僅存於今者 孫承澤庚子消夏記以淳化四年賜畢士安本爲海內第一部

南歸有期留別蓮西諸友

一年人住尙餘情何況林蟬十度鳴旅處抗顏資獨學病來輟講頁

諸生感多哀樂身難料境歷炎涼候易更出郭放船津澗路琴高臺

外愴秋聲舍弟自琴高祠工所得病

敬關數上聲輝越郊圻遊倦曾非悟昨非被嫉摧頽轅固老持喪勞擾

杜林歸小冠不製名從喚病日大韶相牽手漫揮荷屋淹留還惜別

雲山雖隔夢常依

並蒂蓮 并序

昔直西苑於萬樓賦白蓮詩後竟成識廣平客館四面皆蓮庚辰花  
發華萃二本收其一焉移家保州及今且十年矣將南歸復覩斯瑞  
蓮於余有緣若此能無賦乎

孤綠雙紅幸載逢風香日影漫形容惟應心折花君子到及臨岐意

轉濃

梁朱超詠同心芙蓉詩云日分雙蒂影風合兩  
花香隨杜公瞻詩云一莖孤引綠雙影共分紅

生與芙蓉有夙緣所居常在葉田田還湖肯負纏絲意日泛團瓢麴

院邊

先然明公製舫西湖有不繫園隨喜菴觀葉小團瓢等  
名又有曰雨絲風片者樊榭先生湖船錄所未載也

上湖詩紀續編

陸樂山  
陸樂山

